

Պատկարներ բոլոր երկրների, միացե՛ք

---

ՀԿՊ ԿՆՆՏԿՈՄԻ  
ՊՐՈՊԱԳԱՆԴԱՅԻ ԵՎ  
ԱԳԻՏԱՅԻՆՅՈՒՆԻ ԲԱԶԻՆ

# ԱԳՐԱԿԱՎՈՐԻ ԲՆԱԿՆՈՒՄ

№ 22

ՆՈՅԵՄԲԵՐ

1959

# ԲՈՎԱՆԴԱԿՈՒԹՅՈՒՆ

62

## Նյութեր զբաղյցների համար

Կոմունիստական պարտիայի գլխավոր նպատակը ժողովրդի բարեկեցության անընդհատ բարձ- րացումն է . . . . .	1
2. ՄԵՍՐՈՐՅԱՆ— ՍՍՏՄ Կոնստիտուցիան . . . . .	14

## Արդյունաբերական բեմաներ

2. ՄԻՄՈՆՅԱՆ— Նորարարները . . . . .	29
------------------------------------	----

## Գյուղատնտեսական բեմաներ

Ա. ԳՐԻԳՈՐՅԱՆ— Հեկտարից 220 ցենտներ խա- ղող . . . . .	35
---	----

## Օգնություն ագիտատուներին

Թեմաներ և դրականություն ագիտատուների զբաղյցների համար . . . . .	43
--	----

Խմբագրության հասցեն— Նրևան 249 Կենտրոն,  
II հարկ, 50-բդ սենյակ, հեռախոս՝ 2-52—78:


## ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

### ԿՈՄՈՒՆԻՍՏԱԿԱՆ ՊԱՐՏԻԱՅԻ ԳԼԽԱՎՈՐ ՆՊԱՏԱԿԸ ԺՈՂՈՎՐԴԻ ԲԱՐԵԿԵՑՈՒԹՅԱՆ ԱՆԸՆԴՀԱՏ ԲԱՐՁՐԱՑՈՒՄՆ Է

Սովետական հասարակության ղեկավարող  
և ուղղություն տվող ուժը հանդիսանում է  
Սովետական Միության Կոմունիստական  
պարտիան, որի ամբողջ պատմությունը և  
բազմաբովանդակ գործունեությունը ժողո-  
վրդին ծառայելու մի վառ օրինակ է:

Կոմունիստական պարտիան մեծագույն  
հաջողությամբ և հաստատակամությամբ է  
չուծում իր գլխավոր խնդիրը՝ ժողովրդի  
նյութական բարեկեցության հետագա բարե-  
լավումը և կուլտուրական մակարդակի  
բարձրացումը: Սովետական մարդու բարե-  
կեցությունը, սովետական ժողովրդի ծաղ-  
կումը Կոմունիստական պարտիայի գործու-  
նեության անխախտ օրենքն է: Նրա բոլոր  
որոշումները, պլաններն ու նախագծումները  
տողգորված են ժողովրդի բարեկեցության  
նկատմամբ անսահման հոգատարության  
ոգով: Կոմունիստական պարտիան չունի  
ավելի բարձր, քան ժողովրդի շահը,

8398



5982-59



նրա համար բարեկեցիկ և երջանիկ կյանքի ապահովումը: Մեր երկրում ամեն ինչ արվում է աշխատավոր մարդու համար, նրա բարօրության և երջանկության համար: Հանուն սովետական մարդկանց լավ ու գեղեցիկ կյանքի հիմնվում են նոր էլեկտրականներ ու գործարաններ, իրագործվում է արտադրության մեքենայացում և ավտոմատացում, ստեղծվում են գիտական նոր հիմնարկներ ու ուսումնական հաստատություններ, կառուցվում են նոր բնակելի տներ, հիվանդանոցներ ու մանկական հիմնարկներ:

Հենվելով սոցիալիստական արտադրության անշեղ վերելքի վրա պարտիան ու կառավարությունը վերջին տարիներս իրագործեցին մի շարք խոշոր միջոցառումներ ժողովրդի բարեկեցության բարձրացման ուղղությամբ: Դրա շնորհիվ զգալիորեն աճեցին բանվորների ու ծառայողների ռեալ աշխատավարձը և կոլտնտեսականների եկամուտները, ավելացավ լայն օգտագործման ապրանքների թողարկումը, աճեց ժողովրդական սպառումը, միլիոնավոր ընտանիքներ ստացան նոր բնակարաններ:

Սովետական ժողովրդի բարօրության նրկատմամբ Կոմունիստական պարտիայի և

— 2 —

Սովետական կառավարության անդուլ հոգատարության նոր վառ արտահայտությունը հանդիսացավ ՍՄԿՊ XXI համագումարի կողմից հաստատված ՍՍՌՄ ժողովրդական տնտեսության զարգացման 1959—1965 թվականների յոթնամյա պլանը:

Ժողովրդի կենսամակարդակի բարձրացման հիմնական ցուցանիշը և ռեալ բազան հանդիսանում է ազգային եկամուտը: Որքան մեծ է ազգային եկամուտը, այնքան բարձր է սովետական մարդկանց բարեկեցությունը: 1965 թվականին ՍՍՌՄ ազգային եկամուտը, 1958 թվականի համեմատությամբ, կավելանա 62—65 տոկոսով և 6 անգամ կգերազանցի 1940 թվականի մակարդակը: Նույն ժամանակամիջոցում ժողովրդական սպառման ֆոնդը կավելանա 60—63 տոկոսով:

Յոթնամյակի ընթացքում բանվորների և ծառայողների ռեալ եկամուտները կաճեն 40 տոկոսով, իսկ կոլտնտեսականներինը՝ առնվազն 40 տոկոսով: Դրա հետ միասին զգալիորեն կբարձրանա ցածր և միջին վարձատրություն ունեցող բանվորների ու ծառայողների աշխատավարձը: Այսպես, օրինակ, նախատեսվում է 1965 թվականին

— 3 —



բոլոր ճյուղերի բանվորների և ծառայողների նվազագույն աշխատավարձը 1959 թվականի ամսական 270—350 ռուբլուց հասցնել 500—600 ռուբլու, որոշ չափով բարձրացնելով նաև միջին վարձատրություն ստացող բանվորների և ծառայողների աշխատավարձի դրույքները: Դրա հետ միասին զգալիորեն կաճեն կենսաթոշակների նվազագույն չափերը: 1960 թվականին ծերության կենսաթոշակների նվազագույն չափերը քաղաքում ներկայումս եղած 300 ռուբլուց կհասնեն 450—500 ռուբլու: Համապատասխանաբար կբարձրանան նաև կենսաթոշակների նվազագույն չափերը գյուղական վայրերում:

Ռեալ աշխատավարձի բարձրացման հետ միասին յոթնամյակում նախատեսված է նաև աշխատանքային օրվա հետագա կրճատում: 1960 թվականին կավարտվի բանվորների և ծառայողների փոխադրումը 7-ժամյա աշխատօրվա, իսկ ածխային և լեռնահանքային արդյունաբերության մեջ ստորերկրյա աշխատանքներ կատարող առաջատար պրոֆեսիաների բանվորների փոխադրումը 6-ժամյա աշխատօրվա: Այնուհետև 1964 թվականից կսկսվի բանվորների և ծառայողների աստիճանական անցումը

— 4 —

35—30-ժամյա աշխատանքային շաբաթվա: Նախատեսվում է 1966—1968 թվականներին մտցնել հնգօրյա աշխատանքային շաբաթ, այսինքն սահմանել շաբաթական երկու հանգստյան օր:

Աշխատավորների բարեկեցության նկատմամբ պարտիայի և կառավարության հոգատարությունը այս գործում դրսևորվում է նաև նրանով, որ կրճատ աշխատօրվա անցնելը և շաբաթվա մեջ աշխատօրերի թվի նվազեցումը կկատարվի առանց աշխատավարձի նվազեցնելու:

Աշխատավորների եկամուտները կաճեն նաև նրանց վրա կատարվելիք հասարակական ծախսումների աճի շնորհիվ: Ինչպես հայտնի է, մեր երկրում ուսումը և բժշկական սպասարկումը ձրի են, աշխատավորները ձրի կամ զեղչված գներով ձեռք են բերում սանատորիաների, հանգստյան տների և պիոներական ճամբարների ուղեգրեր, միլիոնավոր բանվորներ ու ծառայողներ պետական սոցիալական ապահովագրության գծով ստանում են նպաստներ, պետությունը վիթխարի գումարներ է հատկացնում պետական կենսաթոշակների, բանվորներին ու ծառայողներին արձակուրդի ժամանակ աշխատավարձ վճարելու, բազմա-

— 5 —



զավակ և միայնակ մայրերին նպաստներ պալու և ուրիշ վճարումների դե նպաստների համար: Այս բոլոր նպատակների համար 1965 թվականին կծախսվի 360 միլիարդ ուրլի, 1958 թվականի 215 միլիարդ ուրլու դիմաց:

Սովետական ժողովրդի նկատմամբ անդու հոգատարության վառ արտահայտություն են հանդիսանում պարտիայի և կառավարության միջոցառումները երկրում բնակարանային պակասը վերացնելու ուղղությամբ: Բնակարանային շինարարությունը հատկապես արագ թափով կզարգանա ընթացիկ յոթնամյակում: Նախատեսվում է 1959—1965 թվականներին քաղաքներում և բանվորական ավաններում կառուցել 650—660 միլիոն քառակուսի մետր ընդհանուր տարածությամբ բնակելի տներ, կամ մոտ 15 միլիոն բնակարան, որոնցում կարող է բնակվել մոտ 60 միլիոն մարդ, իսկ գյուղական վայրերում կկառուցվի մոտ 7 միլիոն բնակելի տուն: Նշանակում է յոթնամյակում ամեն օր միջին հաշվով շարք կմտնի քաղաքներում՝ 5870 բնակարան, իսկ գյուղերում՝ 2740 տուն: Յոթը տարիների ընթացքում մեր երկրում 22 միլիոն ընտանիք նոր բնակարան կստանա:

— 6 —

1965 թվականի վերջին երկրի բնակելի ֆոնդը կաճի 1,6 անգամ: Այդպիսով, միայն ընթացիկ յոթնամյակում ավելի շատ բնակելի տարածություն կկառուցվի, քան սովետական իշխանության ամբողջ նախորդ տարիներին մինչև յոթնամյակը: Միայն այս տարի քաղաքներում և բանավաններում կկառուցվի ավելի քան 80 միլիոն քառակուսի մետր բնակելի տարածություն, իսկ 1960 թվականին՝ 101 միլիոն քառակուսի մետր: Դրա հետ միասին պետք է նկատի առնել, որ մեր երկրում գոյություն ունի աշխարհում ամենացածր վարձը բնակարանի համար: Այսպես, օրինակ, եթե ԱՄՆ-ում բնակարանի համար վճարվում է աշխատավարձի 25—50 տոկոսը, ապա մեր երկրում բնակարանային վարձը կոմունալ սպասարկումների դիմաց վճարումների հետ միասին կազմում է ընտանիքի բյուջեի 4—5 տոկոսը:

ՍՄԿՊ XXI համագումարի որոշումներով նախատեսվում է առաջիկայում վերացնել բնակչությանից գանձվող հարկերը: Ամբողջ սովետական ժողովուրդը ջերմորեն կընդունի պետությունների պատմության մեջ դեռևս չտեսնված այդ միջոցառման կենսագործումը: Հարկերի վերացումը ՍՍՌՄ-ում մեկ անգամ ևս ցույց կտա սոցիալիզմի վիթխարի

— 7 —



առավելությունները կապիտալիզմի հանդեպ  
և կհանդիսանա ժողովրդի բարօրության  
նկատմամբ պարտիայի ու կառավարության  
անդու հոգատարության նոր վառ ցուցա-  
դրում:

Ժողովրդի բարեկեցության բարձրացման,  
եկամուտների աճի, արդյունաբերական ապ-  
րանքների ու գյուղատնտեսական մթերքնե-  
րի արտադրության զգալի ավելացման շնոր-  
հիվ մեծացել է և առաջիկա յոթնամյակում  
ավելի կմեծանա բնակչության պահանջար-  
կը սպառման ապրանքների նկատմամբ:  
Այսպես, օրինակ, պետական և կոոպերա-  
տիվ առևտրի մանրածախ ապրանքաշրջա-  
նառության ընդհանուր ծավալը 1959  
թվականի առաջին կիսամյակում հասավ  
338,3 միլիարդ ռուբլու, կամ ավելացավ  
1958 թվականի նույն ժամանակաշրջանի  
համեմատությամբ համադրելի գներով 9  
տոկոսով: Յոթնամյա պլանով նախատես-  
վում է, որ պետական և կոոպերատիվ առև-  
տրի մանրածախ ապրանքաշրջանառու-  
թյունը կաճի մոտավորապես 62 տոկոսով  
(համադրելի գներով): Յոթնամյակի ընթաց-  
քում սննդի արդյունաբերության համախառն  
արտադրանքը կաճի 1,7 անգամ, որը հնա-  
րավորություն կտա բնակչության պահանջ-

— 8 —

մունքները լիովին բավարարել հացեղենի,  
ձկնեղենի, կաթի, բուսական յուղի, շաքարի,  
կարտոֆիլի և բանջարեղենի գծով: Թեթև  
արդյունաբերության արտադրանքը յոթնամ-  
յակում կաճի 1,5 անգամ, որով վիթխարի  
քաջ կարվի լայն սպառման առարկաների  
գծով բնակչության պահանջմունքները լի-  
ովին բավարարելու ուղղությամբ:

Յոթնամյա պլանի կատարումով մեր երկ-  
րում բնակչության մեկ շնչին ավելի շատ  
արդյունաբերական ապրանքներ կարտադր-  
վեն, քան Եվրոպայի առավել զարգացած  
կապիտալիստական երկրներում: Արտադ-  
րանքի մի քանի կարևորագույն տեսակների  
արտադրության գծով ՍՍՌՄ-ը կանցնի, իսկ  
մյուս ապրանքների գծով կմոտենա ԱՄՆ-ի  
ներկա մակարդակին, իսկ գյուղատնտեսու-  
թյան կարևորագույն մթերքների արտադրու-  
թյամբ ամբողջությամբ վերցրած և բնակ-  
չության մեկ շնչի հաշվով կգերազանցի  
ԱՄՆ-ի ներկա մակարդակը:

Կոմունիստական պարտիան ու Սովետա-  
կան կառավարությունը մշատական հոգա-  
տարություն են ցուցաբերում սովետական  
մարդու առողջության պահպանման նը-  
կատմամբ: Մեր երկրում ստեղծվել է բժշ-  
կական հիմնարկների լայն ցանց և պատ-

— 9 —



րաստվել բժշկական աշխատողների մի վիթ-  
խարի բանակ: Ընթացիկ յոթնամյակում նոր  
շինարարության հաշվին հիվանդանոցնե-  
րում տեղերի թիվը կավելանա կրկնակի  
շափով, իսկ մանկամսուրներում՝ երկուս ու  
կես անգամ:

Կոմունիստական պարտիայի իմաստուն  
ղեկավարությամբ սովետական ժողովուրդը  
հաջողությամբ կկատարի պարտիայի մշա-  
կած մեծ նախագծումները: Դրա լավա-  
գույն ապացույցը յոթնամյակի առաջին  
տարվա՝ 1959 թվականի պլանների հա-  
ջող կատարումն է: Մեր ժողովուրդը  
լավ է սկսել յոթնամյակը, մեր գոր-  
ծերը լավ են գնում: 1959 թվականի 9  
ամսվա պլանը կատարվեց 104 տոկոսով և  
գերազանցեց 1958 թվականի նույն ժամա-  
նակաշրջանի արտադրանքը 12 տոկոսով:  
Հաշվարկումները ցույց են տալիս, որ 1959  
թվականի վերջին մեզանում արդյունաբե-  
րական համախառն արտադրանքը, 1913  
թվականի համեմատությամբ, կաճի մոտ 40  
անգամ: Կանցնի ևս 10—12 տարի և մեր  
Հայրենիքը աշխարհում առաջին տեղը դուրս  
կգա բնակչության մեկ շնչին ընկնող ար-  
տադրանքի քանակով: Սովետական Միու-  
թյունը կդառնա աշխարհում առաջին երկիրը

— 10 —

ժողովրդի նյութական կյանքի ամենաբարձր  
մակարդակով, ամենակարճ աշխատօրով և  
ամենակարճ աշխատանքային շաբաթով:

Հանդես գալով Միավորված Ազգերի  
կազմակերպության Գլխավոր Ասամբլեա-  
յում ընկեր Ն. Ս. Խրուշչովը ասաց, — «Մեր  
ներքին քաղաքականության միակ նպա-  
տակն էլ հենց այն է, որպեսզի ստեղծենք  
մարդկության լավագույն իդեալներին ար-  
ժանի կյանք: Մեր յոթնամյա պլանը տո-  
գորված է խաղաղասիրության ոգով, հո-  
գատարությամբ՝ ժողովրդի բարօրության  
ու երջանկության նկատմամբ»:

Այդպիսի հոգատարությամբ են ներծըծ-  
ված նաև ՍՄԿՊ Կենտկոմի և ՍՍՌՄ Մինիս-  
տրների Սովետի վերջերս ընդունած որո-  
շումները հասարակական սննդի հետագա  
զարգացման և բարելավման, բնակչության  
կենցաղային սպասարկման, կրճատ աշ-  
խատօրվա անցումն ավարտելու և բանվոր-  
ների ու ծառայողների աշխատավարձի կար-  
գավորման ժամկետների, կուլտուր-կենցա-  
ղային և տնտեսական գործածության ապ-  
րանքների արտադրության զարգացման և ա-  
սորտիմենտի ընդլայնման մասին և այլն: Այս  
բոլոր որոշումների նպատակն է ավելի լավ

— 11 —



պայմաններ ստեղծել սովետական մարդկանց ուրախ ու երջանիկ կյանքի համար:

Մեր երկիրը թեև կոխել է կոմունիստական հասարակարգի ծավալուն կառուցման ժամանակաշրջանը, երբ գործնականում ըստեղծվում է կոմունիզմի նյութա-տեխնիկական բազան: Այս ժամանակաշրջանում է՛լ ավելի է մեծանում Կոմունիստական պարտիայի կազմակերպչական և դաստիարակչական դերը: Պարտիայի, որպես իր իմաստուն և փորձված առաջնորդի ետևից հաստատորեն ընթանում է ամբողջ սովետական ժողովուրդը: Սովետական մարդիկ անսահմանորեն հավատում են իրենց հարազատ պարտիային և միահամուռ կերպով պաշտպանում են նրա քաղաքականությունը: Նրանք բարձր են գնահատում պարտիայի հերոսական աշխատանքը, նրա անձնվեր պայքարը ժողովրդի կենսական շահերի համար, կոմունիզմի լիակատար հաղթանակի, խաղաղության ամրապնդման համար:

Սովետական ժողովուրդը պատրաստվում է նոր նվաճումներով դիմավորելու ՍՄԿՊ Կենտկոմի առաջիկա պլենումը, որը քրննարկելու է գյուղատնտեսության հետազազարգացման կարևորագույն խնդիրները: Պարտիայի Կենտկոմի հերթական պլենումի

— 12 —

դումարումը գյուղատնտեսության զարգացման հարցերի քննարկման համար ցույց է տալիս, թե պարտիայի լենինյան Կենտրոնական Կոմիտեն ինչպիսի հաստատակամությամբ է պայքարում ՍՄԿՊ XXI համագումարի որոշումների հետևողական իրականացման և ժողովրդի բարեկեցության բարձրացման համար: Անկասկած պարտիայի առաջիկա պլենումի որոշումները մեծ դեր կխաղան գյուղատնտեսության հետազազարգացման գործում և կարժանանան սովետական մարդկանց միահամուռ հավանություններ:

Սովետական ժողովուրդը այժմ միաձուլվելով համախմբված է իր հարազատ պարտիայի շուրջը, քան երբևէ: Նա վստահ է, որ Կոմունիստական պարտիան մեր երկիրը կհասցնի ամենալավ, ամենաարդարացի հասարակարգի՝ կոմունիզմի հաղթանակին:



# ՍՍՌՄ ԿՈՆՍՏԻՏՈՒՑԻԱՆ

## Հ. ՄԵՍՐՈՐՅԱՆ

Դոցենտ

Ամեն տարի դեկտեմբերի 5-ին մեր երկրի աշխատավորները տոնում են ՍՍՌՄ Կոնստիտուցիայի օրը:

ՍՍՌՄ Կոնստիտուցիան՝ Սովետական Սոցիալիստական պետության Հիմնական Օրենքն է, որը օրենսդրականորեն ամրապնդում է նրա հասարակական և պետական կառուցվածքը, պետական օրգանների կազմակերպման սխեմամբ ու գործունեության սկզբունքները, քաղաքացիների հիմնական իրավունքներն ու պարտականությունները և ընտրական սխեմամբ: Նա արտացոլում է աշխարհում առաջին սոցիալիստական պետության շինարարության փորձը, սովետական ժողովրդի պատմական նվաճումները տնտեսական, քաղաքական և կուլտուրական կյանքի բոլոր բնագավառներում:

Հոկտեմբերյան Սոցիալիստական Մեծ ռեվոլյուցիայի հաղթանակից անմիջապես հետո Համառուսաստանյան Սովետների 2-րդ

— 14 —

համագումարի կողմից հռչակվեցին լենինյան անմահ դեկրետները՝ հաշտության և հողի մասին, «Ռուսաստանի ժողովուրդների իրավունքների դեկլարացիան», «Աշխատավոր ու շահագործվող ժողովրդի իրավունքների դեկլարացիան» և այլն, որոնք հետագայում ամբողջությամբ իրենց արտացոլումը գտան ՌՍՖՍՌ 1918 թվականի Կոնստիտուցիայում, որն ընդունվեց Համառուսաստանյան Սովետների 5-րդ համագումարի կողմից՝ 1918 թվականի հուլիսին: Դա մինոր, բարձր տիպի կոնստիտուցիա էր, որը արտահայտում էր ամբողջ աշխատավոր մարդկության կամքը:

Սովետական առաջին Կոնստիտուցիան ՌՍՖՍՌ Կոնստիտուցիան հսկայական նշանակություն ունեցավ ոչ միայն այն ժամանակվա Սովետական Ռուսաստանի պետական ապարատի կազմակերպման և աշխատանքի բարելավման համար, այլև հիմք հանդիսացավ հետագայում կազմակերպված միութենական ռեսպուբլիկաների կոնստիտուցիաների համար:

Սովետական առաջին Կոնստիտուցիան ունեցավ միջազգային հսկայական նշանակություն: Նրա իսկական դեմոկրատական բովանդակությունը, հստակ ձևակերպումները հսկայական ունյուցիոնացնող

— 15 —



ազդեցութիւն ունեցան ամբողջ աշխարհի  
աշխատավորների վրա:

ՍՍՌՄ Սովետների 2-րդ համագումարում  
ընդունված ՍՍՌՄ Կոնստիտուցիան (1924  
թվականի հունվարին) օրենսդրական կարգով  
ձևակերպեց և ամրապնդեց Կոմունիստական  
պարտիայի ազգային քաղաքականութեան  
մեծագույն նվաճումները՝ ՍՍՌՄ կազմա-  
կերպումը:

ՍՍՌՄ կազմակերպումը և 1924 թվակա-  
նի Կոնստիտուցիայի ընդունումը հզոր  
ազդակ հանդիսացավ ժողովուրդների միջև  
բարեկամության հետագա ամրապնդման,  
սոցիալիստական ազգերի քաղաքական,  
տնտեսական և կուլտուրական աճի, սոցիա-  
լիզմի հիմքերի կառուցման գործում:

1936 թվականի դեկտեմբերի 5-ին Համա-  
միութենական Սովետների արտակարգ 8-րդ  
համագումարը հաստատեց ՍՍՌՄ նոր Կոնս-  
տիտուցիան, որը օրենսդրականորեն ամրա-  
պնդեց սոցիալիզմի համար մղած պայքա-  
րում սովետական ժողովրդի մեծագույն նը-  
վաճումների արդյունքները: Հատկապես  
կենտրոնացրեց ողջ օրենսդրական իշխա-  
նութիւնը մեկ օրգանում, հանձին Գերա-  
գույն Սովետի, որին ենթակա են մնացած  
բոլոր օրգանները: Նա ճիշտ կերպով սահմա-  
նագծեց օրենսդրական և կատարողական

— 16 —


ֆունկցիաները և մտցրեց խիստ սահմանա-  
գծում պետական իշխանութեան բոլոր օր-  
գանների ու պետական կառավարման օր-  
գանների գործունեության մեջ:

ՍՍՌՄ նոր Կոնստիտուցիան ամբողջ աշ-  
խարհին ցույց տվեց սոցիալիզմի հսկայա-  
կան զերազանցութիւնը կապիտալիզմի նը-  
կատմամբ, սովետական հասարակութեան  
քաղաքական կազմակերպութեան և նոր,  
իսկական սոցիալիստական դեմոկրատիայի  
մեծագույն առավելութիւնները:

ՍՍՌՄ նոր Կոնստիտուցիայի ընդունումից  
անցած 23 տարիների ընթացքում ՍՍՌՄ  
դարձել է ավելի հզոր տերութիւն: Սոցիա-  
լիզմը դուրս է եկել մեկ երկրի շրջանակնե-  
րից և դարձել հզոր համաշխարհային սիս-  
տեմ:

Վ. Ի. Լենինը գրել է, որ «Պրոլետարական  
դեմոկրատիան միլիոն անգամ ավելի դե-  
մոկրատիկ է ամեն մի բուրժուական դե-  
մոկրատիայից, — Սովետական իշխանու-  
թիւնը միլիոն անգամ ավելի դեմոկրատիկ է  
ամենադեմոկրատական բուրժուական ռես-  
պուբլիկայից»:

Սովետական դեմոկրատիայի տնտեսա-  
կան հիմքը հանդիսանում է տնտեսութեան  
սոցիալիստական սիստեմը և արտագրու-





թյան գործիքների ու միջոցների սոցիալիստական սեփականությունը, հողը, նրա ընդերքը, ջրերը, անտառները, գործարանները, ֆաբրիկաները և մյուս արտադրության գործիքներն ու միջոցները պատկանում են աշխատավոր ժողովրդին, որոնք հանդիսանում են լիիշխան տերերը իրենց երկրի:

«ՍՍՌՄ-ն բանվորների և գյուղացիների սոցիալիստական պետություն է» ասված է Կոնստիտուցիայի առաջին հոդվածում, իսկ 3-րդ հոդվածը հռչակում է, որ «Ամբողջ իշխանությունը ՍՍՌՄ-ում պատկանում է քաղաքի և գյուղի աշխատավորներին, հանձինս աշխատավորների դեպուտատների Սովետների»: Այդ նշանակում է, որ մեր երկրի աշխատավորները ոչ միայն տեր են արտադրության գործիքների ու միջոցների, այլև ամբողջ լիակատարությամբ տիրում են քաղաքական իշխանությանը: Մեր երկրում պետական իշխանության բոլոր օրգանները ընտրվում են սովետական ժողովրդի կողմից, աշխատավորների լավագույն ներկայացուցիչներից, իսկական ընդհանուր, հավասար, ուղղակի ընտրական իրավունքի հիման վրա գաղտնի քվեարկությամբ: Օրինակ, ՍՍՌՄ պետական իշխանության ներկայումս գործող բարձրագույն օր-

— 18 —

գանի՝ ՍՍՌՄ Գերագույն Սովետի կազմը նրանում ընտրված 1378 դեպուտատներից, 831-ը բանվորներ և գյուղացիներ են, որը կազմում է ամբողջ դեպուտատների 60 տոկոսը, 547-ը աշխատավոր ինտելիգենցիայի ներկայացուցիչներ են: Դեպուտատների թվում 336-ը կանայք են, 330-ը անպարտիականներ: ՍՍՌՄ Գերագույն Սովետը իր ազգային կազմով արտացոլում է մեր երկրի բնակչության բազմազգ կազմը, նրանում ներկայացված են ՍՍՌՄ ազգությունների ներկայացուցիչներն անխտիր:

ՍՍՌՄ բոլոր Սովետներում ընտրված են 1 միլիոն 850 հազար դեպուտատներ, Սովետների ընտրությունների ժամանակ նրա աշխատանքներին մասնակցում են մեր երկրում 7—8 միլիոն աշխատավորներ: Բոլոր Սովետներին կից գործող մոտ 400 հազար մշտական հանձնաժողովներում ընդգրկված են մեկ միլիոնից ավելի դեպուտատ և երկու միլիոն ակտիվիստներ:

ՍՄԿՊ-ն և Սովետական կառավարությունը բոլոր միջոցներով օժանդակում են մասսաների նախաձեռնության է՛լ ավելի բարձրացմանը, երկրի կառավարմանը, գիտության և կուլտուրայի զարգացման գործում: Դրա փայլուն ապացույցներից մեկը Կոնստիտու-

ցիայի նախագծի համաժողովրդական քըն-նարկումն էր: ՍՍՌՄ Կոնստիտուցիայի նա-խագծի մոտ 6 ամիս տևող համաժողովրդա-կան քննարկումը հանդիսացավ սովետական սոցիալիստական դեմոկրատիայի իսկական հաղթանակը, որն ապահովեց աշխատավոր լայն մասսաների մշտական և անմիջական մասնակցությունը պետության կառավար-մանը և պետական առաջնակարգ կարևոր հարցի լուծմանը: Կոնստիտուցիայի նախա-գիծը քննարկվեց աշխատավորության 458 հազար 441 ժողովներում, Սովետների և գործկոմների տասնյակ հազար պլենումնե-րում: Քննարկմանը մասնակցեցին ավելի քան 51,5 միլիոն մարդ, որոնք մտցրին շատ ուղղումներ և լրացումներ կոնստիտուցիայի նախագծի տեքստում:

Այսպիսով սովետական Կոնստիտուցիայի մշակման և հաստատման պրոցեսում հան-դես է եկել կոլեկտիվ միտքը և աշխատա-վորների ու ՍՍՌՄ բոլոր ժողովուրդների ընդհանուր կամքը:

Սոցիալիստական դեմոկրատիան իր ցայ-տուն արտացոլումն է գտել նաև բազմազգ Սովետական պետությունում ազգային հար-ցի լուծման մեջ: Հոկտեմբերյան Սոցիալիս-տական Մեծ ղեկավարության ջախջախեց միու-

— 20 —

սաստանում ազգային ճնշման շղթաները և ընդմիջտ ոչնչացրեց ազգային անհավասա-րությունը: Նա հաստատեց բոլոր ազգերի իսկական եղբայրություն և անցյալում ճնշ-ված ազգություններին բարձրացրեց իսկա-կան ազատ և իսկական հավասար ժողո-վուրդների մակարդակին: Այդ մեծագույն նվաճումների հիմքում և Սովետական Միու-թյան բոլոր ժողովուրդների բարեկամու-թյան, սերտ համագործակցության և եղբայ-րական փոխօգնության հիմքում առկա են այդ ազգությունների էկոնոմիկայի, գիտության ու կուլտուրայի զարգացման հսկայական նվաճումները. օրինակ, Հայկական ՍՍՌ-ն, Հայաստանի աշխատավորները հպարտու-թյամբ են նայում դեպի իրենց անցած ուղին, անցած մոտ 40 տարիների ընթացքում Հայ-կական ՍՍՌ-ն ամբողջությամբ կերպարա-նափոխվեց: Ցարիզմի երբեմնի կիսաազա-ղութը, որը հայ ժողովրդի դահիճ դաշնակ-ցականների օրոք հասել էր կործանման, դարձել է առաջավոր ինդուստրիալ-կոլտրն-տեսային գյուղատնտեսության, ձևով ազ-գային, բովանդակությամբ սոցիալիստա-կան ժողովրդ կուլտուրայի երկիր: Զտեսնը-ված շափերի է հասել Հայկական ՍՍՌ-ում



գիտության, կուլտուրայի, արվեստի, գրականության զարգացումը:

Վերածնված և իր պետականությունն ունեցող հայ ժողովուրդը անցած մոտ 40 տարիների ընթացքում տնտեսական և կուլտուրական բնագավառի հոյակապ նվաճումները ձեռք է բերել ՍՄԿՊ իմաստուն ազգային քաղաքականության շնորհիվ: Այդ նվաճումները խոշոր չափերի կհասնեն առաջիկա տարիների ընթացքում, որովհետև ըստ ՍՍՌՄ ժողովրդական տնտեսության 1959—1965 թվականների կոնտրոլ թվերի Հայկական ՍՍՌ-ում 7-ամյակում կապիտալ ներդրումների ծավալը կկազմի 12,5 միլիարդ ռուբլի: Որպեսզի պարզ լինի այդ գումարի մեծությունը, բավական է ասել, որ այն 800 միլիոն ռուբլով ավելի է, քան Սովետական Հայաստանում անցած 38 տարիների ընթացքում իրացված կապիտալ ներդրումների գումարը:

Ինչպես իր ելույթներից մեկում ընկ. Ն. Ս. Խրուշչովը ասաց, որ բանը ամենևին ներքանում չէ, որ մենք՝ ռուսները, ուկրաինացիները, բելոռուսները, ղազախները, ուզբեկները, վրացիները, հայերը, Միջին Ասիայի և Մերձբալթիկայի, ՍՍՌՄ-ի Հարավի և Հյուսիսի ժողովուրդները տեր ենք ինչ որ

— 22 —

բացառիկ առանձնահատկությունների. գործը նրանումն է, որ հատկապես մեր սովետական կարգը, սոցիալիստական կարգը ըստեղծում է այդպիսի պայմաններ ժողովրդի համար, որում նա կարող է լիովին զարգանել իր ստեղծագործական ուժերը և ցույց տալ թե ինչին ընդունակ է ազատ մարդը, որը չգիտի շահագործման հոգեկան բեռը և հանդիսանում է իր երկրի իսկական տերը:

ՍՍՌՄ Կոնստիտուցիան բնորոշ է իր մինչև վերջը հետևողական դեմոկրատիզմով, որը չունի վերապահումներ և սահմանափակումներ: Նրա համար գոյություն չունեն ակտիվ կամ պասսիվ քաղաքացիներ: Նա տարբերություն չի դնում տղամարդկանց ու կանանց միջև: Նրա համար բոլոր քաղաքացիները իրենց իրավունքներով հավասար են:

ՍՍՌՄ Կոնստիտուցիան չի բավարարվում քաղաքացիներին միայն դեմոկրատական իրավունքներ և ազատություններ տրամադրելով, այլ ծանրության կենտրոնը փոխադրում է այդ իրավունքների և ազատությունների կենսագործման հարցի վրա: Կոնստիտուցիան ոչ միայն հռչակում է քաղաքացիների իրավունքների հավասարություն, այլև գործնականում ապահովում է այն, օրենսդրա-

կան կարգով վավերացնելով շահագործողական ռեժիմից սովետական մարդկանց ազատագրվելու փաստը: Կոնստիտուցիան ոչ թե սոսկ հռչակում է աշխատանքի իրավունք, այլև նշում է, որ այդ իրավունքն ապահովվում է ժողովրդական տնտեսության սոցիալիստական կազմակերպումով, սովետական հասարակության արտադրողական ուժերի անշեղ աճումով և այլն: Նա ոչ միայն հռչակում է դեմոկրատական ազատություններ, այլև օրենսդրական կարգով դրանք ապահովում է նյութական միջոցներով: Մեր երկրում ոչ ոքի չի անհանգստացնում գործազրկությունը: ՍՍՌՄ-ում ոչ թե մարդն է աշխատանք որոնում, այլ աշխատանքն է որոնում մարդուն:

Սովետական քաղաքացուն հրճվանք է պատճառում ՍՄԿՊ Կենտկոմի, ՍՍՌՄ Մինիստրների Սովետի և ՀԱՄԿԽ-ի կողմից ընդունված որոշումը բանվորներին ու ծառայողներին կրճատ աշխատանքային օրվա փոխադրելն ու նրանց աշխատավարձի կարգավորումն ավարտելու ժամկետների մասին: Այդ որոշմամբ նոր և կարևոր էտապ է բացվում ՍՍՌՄ-ում իրականացնելու աշխարհում ամենակարճ բանվորական օրը: Արդեն 1964 թվականին մեզ մոտ կսկսվի ի-

— 24 —

րագործվել բանվորների և ծառայողների անցումը 6-ժամյա բանվորական օրվա, իսկ հանքափորների և մի քանի ուրիշ պրոֆեսիայի բանվորների համար 5-ժամյա բանվորական օրվա:

Սովետական քաղաքացիները լայնորեն օգտագործում են կրթության իրավունքը, ավելի քան 50 միլիոն մարդ, այսինքն ՍՍՌՄ ամբողջ բնակչության 1/4 մասից ավելին այս կամ այն ձևով սովորում են, բարձրացնելով իրենց կրթությունը, որակավորումը և ընդհանուր կուլտուրական մակարդակը: Ուսուցումը բոլոր տիպի ուսումնական հաստատություններում ձրի է: Կրթության սովետական սիստեմը ցույց տվեց իր արժանիքները և գերազանցությունը: Սովետական գիտնականները, ինժեներները, տեխնիկներն ու բանվորներն էին, որ աշխարհը զարմացրին երկրի առաջին արհեստական արբանյակներով: Սովետական «Սպուտնիկ» և «Լուննիկ» բառերը ամբողջ աշխարհում հասկանալի են առանց թարգմանության:

Բոլոր քաղաքացիների համար լայնորեն ապահովված է հանգստի իրավունքը, նախատոնական և շաբաթ օրերին բանվորական օրը կրճատված է 2-ական ժամով, ստեղծված են հրաշալի սանատորիաների, հան-

— 25 —



գատյան տների, ակումբների և այլն լայն ցանց:

ՍՍՌՄ քաղաքացիներն լայնորեն օգտվում են նյութական ապահովության իրավունքից, ինչպես ծերության, նույնպես և հիվանդության ու աշխատունակությունը կորցնելու դեպքում: Մեր եկրում, երբ մարդը հիվանդ է ու չի աշխատում, նրա աշխատավարձը պահպանվում է. երբ ծերանում է, նա իրեն չի համարում ավելորդ, նրա համար ապահովված է պետական կենսաթոշակ:

Հստ որում պետությունը, կոլտնտեսությունները և հասարակական կազմակերպությունները ապահովում են մոտ 20 միլիոն կենսաթոշակառուների: Մանկապարտեզներում, մանկամսուրներում և մանկատներում գտնվում են 5 միլիոն երեխաներ: Բարձրագույն ու միջնակարգ հաստատությունների 3 միլիոն 300 հազար ուսանողներ, աշխատանքային ռեզերվների դպրոցների, ուսումնարանների սովորողներ ապահովված են պետական թոշակներով ու հանրակացարաններով: Գիշերօթիկ դպրոցների սովորողները ամբողջովին ապահովված են պետության կողմից: Ամեն տարի 5 միլիոն 600 հազար երեխաներ հանգստանում են պիոներական ճամբարներում, դպրոցա-

— 26 —

կան ամառային հրապարակներում և էքսկուրսիոն տուրիստական բազաներում: Ավելի քան 3 միլիոն բանվորներ, ծառայողներ և կոլտնտեսականներ ամեն տարի ցանատորիաներում և հանգստյան տներում բուժվում և հանգստանում են սոցիալական ապահովագրության և կոլտնտեսությունների միջոցների հաշվին: Բացի դրանից, պետությունից նպաստներ են ստանում մոտ 7 միլիոն բազմազավակ և միայնակ մայրեր: Այդ բոլորի հետ մոտակա ժամանակներում Սովետական պետությունը կհրաժարվի բռնակշիռությունից որևէ հարկ գանձելուց: Կարո՞ղ է նման բան գոյություն ունենալ բուրժուական երկրներում. թող որևէ բուրժուական երկիր փորձի կատարել նման բան: ԱՄՆ-ում իր այցելության ժամանակ Ն. Ս. Խրուշչովը հանդես գալով ամերիկյան հեռուստատեսությամբ, 1959 թվականի սեպտեմբերի 27-ին, ասաց, որ «Մեր ժողովուրդը այսօր ավելի լավ կապեր, եթե մենք 40 տարուց գրեթե 20 տարին չկորցնեինք մեզ պարտադրված պատերազմների և ժողովրդական տնտեսության ետպատերազմյան վերականգնման վրա: ...եթե չլինեին այդ ահավոր ավերածություններն ու կորուստները, մենք հավանաբար արդեն հասած կլի-

— 27 —

յեինք Ամերիկայի Միացյալ Նահանգներին  
թե՛ արտադրության չափերով և թե՛ բնակ-  
չության կենսամակարդակով»:

Սովետական դեմոկրատիայի հետագա  
զարգացման և կատարելագործման հարցե-  
րը մեր երկրում կոմունիզմի ծավալուն կա-  
ռուցման ժամանակաշրջանում իրենց խորը  
և տեսական վերլուծությունը ստացան Ն. Ս.  
Խրուշչովի ՍՄԿՊ XXI համագումարին տված  
զեկուցման մեջ և այդ համագումարի պատ-  
մական որոշումներում:

Կոմունիստական պարտիայի ղեկավարու-  
թյան մեջ է խարսխված մեր պետության ու-  
ժի աղբյուրը և անհաղթելիությունը:

---

ԱՐԴՅՈՒՆԱՔԵՐԱԿԱՆ ԹԵՄԱՆԵՐ

---

## ՆՈՐԱՐԱՐՆԵՐԸ

### Հ. ՍԻՄՈՆՅԱՆ

Սովետական մարդիկ հայրենասիրական  
վեհ ձգտումներով համակված կենսագոր-  
ծում են հարազատ Կոմունիստական պար-  
տիայի XXI համագումարի որոշումները:  
Համաժողովրդական այդ պայքարում իրենց  
ավանդն են մտցնում նաև Երևանի Ալյումի-  
նի գործարանի բանվորներն ու ինժեներա-  
տեխնիկական աշխատողները, որոնք ար-  
տադրական բարձր ցուցանիշներով են փա-  
կում 1959 թվականը:

Ալյումինագործների կոլեկտիվն այժմ  
պայքարում է պլանից դուրս երկրին տալ  
տասնյակ տոննաներ բարձրորակ մետաղ,  
ավելացնել արտապլանային կուտակումնե-  
րը, արտադրական և տեխնոլոգիական պրո-  
ցեսները ենթարկել կոմպլեքսային ավտո-  
մատացման և մեքենայացման:

Այդ ուղղությամբ շնորհակալ գործ են  
կատարում արտադրության նորարարները,  
ռացիոնալիզատորներն ու ղյուտարարները:



Նրանց ստեղծագործական միտքը միշտ ուղղված է դեպի նորը, առաջավորը: Լաբորատորիայի և գաղամաքրման ցեխի կոլեկտիվների աջակցությամբ այս տարի մեծ աշխատանք տարվեց գաղամաքրման սարքավորումների վերակառուցման ուղղությամբ: Այժմ նրանք Մոսկվայի և Լենինգրադի մասնագիտացված գիտահետազոտական ինստիտուտների հետ միասին աշխատանքներ են տանում այդ պրոցեսների վերջնական ուսումնասիրության ինտենսիֆիկացման ուղղությամբ: Շուտով կավարտվեն այդ ուսումնասիրությունները և ստացված տվյալների հիման վրա Միության ալյումինի բոլոր գործարաններում կկառուցվեն գաղամաքրման նույնատիպ սարքեր:

Առանձնակի ուշադրության է արժանի ինժեներ տեխնոլոգներ Մ. Աղաբաբյանի և Պ. Սահակյանի կողմից մշակված էլեկտրոլիզի պրոցեսի կոմպլեքսային ավտոմատացման ուղղությամբ կատարված նորարարությունը: Նրանց ջանքերով ստեղծվել և արդեն աշխատում է այսպես կոչված փորձնական «հերմետիկ վաննան», որը հեշտացնում է կավահողից ալյումին ստանալու պրոցեսը:

Գործարանի լաբորատորիային կից ըս-

— 30 —

տեղծվել է ավտոմատիկայի խումբ, որը «Հայէլեկտրո» գործարանին կից գիտահետազոտական ֆիլիալի աշխատողների հետ միասին կատարում է այդ դժվարին ու պատասխանատու գործը:

Ալյումինագործները գովեստով են խոսում նորարարներ Մ. Աղաբաբյանի, Հ. Փայտյանի, Գ. Թոքմաջյանի, Պ. Սահակյանի, Ս. Մխիթարյանի և շատ ուրիշների մասին: Նրանց աշխատանքի առաջավոր մեթոդները արտադրության տեխնոլոգիան կատարելագործելու, աշխատատար պրոցեսները ավտոմատացման ու մեքենայացման ենթարկելու արժեքավոր առաջարկությունները մեծ ավանդ են յոթնամյա պլանը ժամկետից շուտ կատարելու համար մղվող պայքարում: Ահա թե ինչու նորարարների յուրաքանչյուր առաջարկություն ջերմ պաշտպանության է արժանանում գործարանում:

Ինժեներ տեխնոլոգներ Մ. Աղաբաբյանի և Պ. Սահակյանի առաջարկով զգալի բարեփոխություն մտցվեց էլեկտրոլիզի վաննայի կառուցվածքի մեջ: Դեֆիցիտային թանկ նյութերը փոխարինվեցին էժան, արտադրության թափուկներից ստացվող նյութերով: Այս առաջարկության արմատավորումը ոչ

միայն երկարացնում է վաննայի օգտագործման ժամանակամիջոցը, այլև հնարավորություն է տալիս տարեկան խնայելու տասնյակ հազար ռուբլի: Նորարար Պ. Սահակյանը լուրջ փոփոխություն է մտցրել էլեկտրոլիզի պրոցեսների տեխնոլոգիայում: Նրա առաջարկությամբ այժմ մետաղի մաքրումը կատարվում է անմիջապես վաննայում: Տեխնոլոգիան վարելու այս մեթոդի շնորհիվ հեշտացվում է բանվորների աշխատանքը, վերացվում են կորուստները, տարեկան տնտեսվում է 250 հազար ռուբլի:

Նորարարներն իրենց որոնող միտքն ուղղել են արտադրության տեխնոլոգիական պրոցեսների կատարելագործմանը, նոր տեխնիկայի, առաջավոր փորձի արմատավորմանը: Եվ պատահական չէ, որ Գ. Թոքմաջյանի, Մ. Աղաբաբյանի և Մ. Մարգարյանի աչքից չվրիպեց այն անտնտեսվարությունը, որ թույլ էր տրվել գազամաքման ցեխի նախագծման և մոնտաժման ժամանակ: Հստ այդ նախագծի արտադրության թափուկները չէր օգտագործվում: Նորարարական փոփոխություններ մտցնելուց հետո թափուկներից ստացվում է էլեկտրոլիզի ցեխի համար կարևոր հումք, որը գործարա-

— 32 —

նին տարեկան 100 հազար ռուբլի տնտեսում է տալիս:

Ինժեներ-մեխանիկ Ս. Մխիթարյանին շարունակ մտահոգում էր այն միտքը, թե պրոցեսը հնարավոր չէ մեքենայացնել պատրաստի արտադրանքի փոխադրման և վազոնների բարձման աշխատանքը: Եվ այդ նրան հաջողվեց: Մխիթարյանի առաջարկով պատրաստվեց մի սարքավորում, որի շնորհիվ բանվորների աշխատանքը մի քանի անգամ թեթևանում է և կրճատվում մի շարք արտադրական պրոցեսներ:

Այս տարի գործարանի բանվորները և ինժեներա-տեխնիկական աշխատողները արել են ավելի քան 350 նորարարական առաջարկություն, որից արտադրության մեջ արմատավորվել է 120-ը: Նորարարական առաջարկություններից գործարանը կես միլիոն ռուբլու տնտեսում է ունեցել: Շատ արժեքավոր առաջարկություններ գտնվում են արտադրության մեջ, ներդրման պրոցեսում:

Գործարանում ռացիոնալիզատորական աշխատանքին մեծ թափ հաղորդեց տեխնիկական պրոգրեսի միամսյակ հայտարարելը, որի ընթացքում արտադրության մեջ արմատավորվեց նորարարական ավելի քան 30 առաջարկություն:

— 33 —



Արտադրության ավտոմատացման և մեքենայացման տարբեր բնագավառների համար կազմվել է նորարարների կոմպլեքսային բրիգադաներ, նշանակվել են ղեկավարներ, նշվել են նրանց կատարելիք առաջնահերթ հարցերը: Կոմպլեքսային բրիգադաներին և ընդհանրապես ռացիոնալիզատորներին մեծ օգնություն է կազմակերպում կոնստրուկտորական բաժինը և մեխանիկական ցեխի փորձնական տեղամասը:

Ալյումինագործների կոլեկտիվը պարտիական կազմակերպության ղեկավարությամբ կենսագործում է յոթնամյա պլանի առաջին տարվա խնդիրները: Այժմ գործարանի երիտասարդ կոլեկտիվը նոր, ավելի բարձր պարտավորություններ է ստանձնել Հայաստանի կոմպարտիայի XXI համագումարը նոր հաջողություններով դիմավորելու համար:

ԳՅՈՒՂԱՏՆՏԵՍԱԿԱՆ ԹԵՄԱՆԵՐ

## ՀԵԿՏԱՐԻՑ 220 ՑԵՆՏՆԵՐ

### Խ Ա Ղ Ո Ղ

Ա. ԳՐԻԳՈՐՅԱՆ

Արտաշատի շրջանի Քաղցրաշեն գյուղի  
կոլտնտեսության նախագահ

Մեր կոլտնտեսության այգեգործները տարեցտարի ավելացնում են խաղողի համախառն բերքը, հիմնում նոր այգիներ: Նրանք, վերջին տարիներին հիմնել են 45 հեկտար խաղողի այգի, որոնց մի մասն արդեն պրտղաբերում է: Քաղցրաշենցիները շորորոգ տարին է, ինչ ստացած բարձր բերքով շրջանում ոչ ոքի չեն զիջում իրենց առաջնությունը: 1957 թվականին, շնայած կարկտահարությանը, բերքատու այգիների հեկտարի միջին բերքատվությունը կազմեց 118,4 ցենտներ՝ արտադրական պլանով նախատեսված 100 ցենտների փոխարեն: 1958 թվականին ավելի ամրապնդվեցին հաջողությունները: Հեկտարի միջին բերքատվությունը հասավ 147 ցենտների: Այս տարի յոթնամյակի առաջին տարում, քաղցրաշեն

ցիները հասան խաղողի բերքատուփյան  
ռեկորդային ցուցանիշի: Նրանք խաղողի  
այգու ամեն մի հեկտարից ստացան 220  
ցենտներ միջին բերք, նախատեսված առա-  
ջադրանքը գերակատարելով 90 ցենտներով:  
Ինչպե՞ս են քաղցրաշենցիները խաղողի  
բարձր բերք ստանում:

Դյուղատնտեսական բոլոր կուլտուրանե-  
րը, այգին առանձնապես, հարատև ու հո-  
գատար խնամք են պահանջում: Ինչպես ժո-  
ղովուրդն է ասում ձեռքդ չպետք է հեռաց-  
նես վազից ու թփից: Չպետք է խախտես  
մշակության լավագույն ժամկետները: Երբ  
դրանք խախտվում են, կամ աշխատանքնե-  
րից որևէ մեկը լրիվ ու որակով չի կատար-  
վում, այդ դեպքում այգուց առատ բերք մի  
սպասի:

Մեր կուլտնտեսության այգեգործները տա-  
րիներ շարունակ բարելավում են այգիների  
մշակությունը և դրա շնորհիվ միշտ բարձր  
բերք ստանում:

Ինչպես նախորդ, այնպես էլ այս տարի,  
հետևելով երկրի առաջավոր այգեգործների  
օրինակին, այգիների բոլոր մշակություննե-  
րը կատարել ենք ժամանակին, ագրոտեխ-  
նիկական բարձր մակարդակով: Այգեբացր  
կատարեցինք վաղ գարնանը, մարտ ամսի

— 36 —

սկզբներին, ձյունը հալվելուն պես: Այդ աշ-  
խատանքն ավարտեցինք ընդամենը 5 օրում:  
Մեր յուրաքանչյուր այգեգործ հետևում է, որ  
այգեբացի ընթացքում վազերը չվնասվեն:  
Այգեբացից անմիջապես հետո սկսում ենք  
էտը, որը որպես կարևոր և պատասխա-  
նատու աշխատանք, կատարում են մեր  
փորձված այգեգործները: Ունենք մոտ 50  
հմուտ էտվորներ, որոնք լավ ծանոթ են ագ-  
րոտեխնիկային, գիտեն յուրաքանչյուր վա-  
զի առանձնահատկությունը: Մենք, բոլոր  
միջոցները գործադրում ենք, որ էտն ա-  
վարտվի ապրիլի առաջին օրերին՝ այսինքը  
մինչև բողբոջների ուռչելը: Այս տարի մեր  
կուլտնտեսությունում էտն ավարտվեց աշ-  
խատանքային 18—20 օրում:

Մեր էտվորները ամեն մի վազի նկատ-  
մամբ առանձին մոտեցում են ունենում: Ել-  
նելով տարիների փորձից, լավ զարգացած  
մատերը կտրում են երկար, իսկ թույլ զար-  
գացածները՝ կարճ: Օրինակ՝ Կախեթի սոր-  
տի խաղողի ամեն մի մատի վրա թողնում  
ենք 4—5 աչք: էտի ժամանակ հեռացվում  
են շարքից դուրս եկած թևերը, հին, ինչպես  
նաև վազի բնի վրա եղած կոճղերը, փթած  
մատերը և այլն: էտի ժամանակ հավաքում  
ու առանձնացնում ենք արժեքավոր կտրոն-

— 37 —



ները՝ նոր այգիներ տնկելու համար: Էտից անմիջապես հետո այգիներից դուրս ենք բերում արքատը:

Ագրոտեխնիկական լավագույն ժամկետներում ենք կատարում այգեփորը: Իբրև կանոն այն ավարտում ենք ապրիլ ամսի վերջերին: Այդ կարևոր աշխատանքը ժամանակին ավարտելու համար, մենք փորի առաջին օրից լրիվ մորիլիզացնում ենք կոլտնտեսականների ուժերը: Փորելու ընթացքում լրիվ բացում ենք վազերի բները, այնտեղից հեռացնում ավելորդ, փթած ու շորացած մասերը, ինչպես նաև մակերեսային արմատներն ու կոճղերը: Այսպիսով, վազը լրիվ ազատում ենք ավելորդ ու անպետք մասերից:

Միայն այսքանով չէ, որ մենք սահմանափակվում ենք: Լուրջ ուշադրություն ենք դարձնում նաև այգիների պարարտացմանը: Ագրոտեխնիկական լավագույն ժամկետներում ու սահմանված նորմաներով հողի մեջ ենք մտցնում օրգանական և հանքային պարարտանյութեր: Մայիս ամսին, այգիների առաջին կանաչ հատումից հետո, սկսում ենք համատարած սնուցումը: Հիմնական պարարտացումների և սնուցման ժամանակ ամեն մի հեկտար այգուն տալիս ենք 250—300 կիլոգրամ ամոնիակային սելիտրա, 700—

— 38 —

800 կիլոգրամ սուպերֆոսֆատ և 200 կիլոգրամ կալիումական աղ: Լավ արդյունք է ստացվում, երբ պարարտանյութերը հողի մեջ ենք մտցնում իրար հետ խառնած վիճակում: Այգիները պարարտացնելու համար օգտագործում ենք նաև գոմաղը, ամեն մի հեկտարին տալով 25—30 տոննա:

Որպեսզի այգիների սնուցումը ավելի արդյունավետ լինի 20 սմ. խորությամբ բաց ենք անում վազերի բները, այնտեղ լցնում կես կիլոգրամ խառը պարարտանյութ: Իհարկե, պարարտանյութերի այդ նորման բոլոր այգիներում ու բներում նույնությամբ չի պահպանվում: Մենք անպայման հաշվի ենք առնում վազի ու հողի պահանջը և ելնում նրա սորտային առանձնահատկություններից, թույլ վազերին ավելի շատ, իսկ ուժեղ վազերին ավելի քիչ պարարտանյութ ենք տալիս:

Այգեփորն ավարտելուց անմիջապես հետո, մոտավորապես մայիս ամսի սկզբներին, ձեռնամուխ ենք լինում բուժման աշխատանքներին: Միլդիուի դեմ սրսկումներ կատարում ենք բորդոյան հեղուկով: Այն կրկնում ենք մի քանի անգամ: Հետևում ենք, որ սրսկումները կատարվեն որակով ու մեծ

— 39 —

խնամքով, այնպես, որ սրակվող հեղուկը մանր կաթիլներով նստի տերևների երկու երեսների վրա: Հաջող պայքարի շնորհիվ վերջին տարիներին միլիոն հիվանդութիւնը գրեթե կանխվել է: Հունիս ամսին այգիները փոշոտում ենք ծծումբով, որը պայքարի լավագույն միջոց է օիդիում հիվանդութեան դեմ: Այդ պայքարը կրկնում ենք մի քանի անգամ:

Մեծ նշանակութիւն ենք տալիս այգիների քաղհանի աշխատանքներին, որը տարվա ընթացքում կատարում ենք մի քանի անգամ, վազերի ծաղկելուց առաջ և պտղակալելուց 2—3 շաբաթ հետո: Բոլոր միջոցները գործադրում ենք, որ այգիները, նախքան այգեկութը, գտնվեն մոլախոտերից մաքուր վիճակում: Եվ այդ տալիս է իր մեծ արդյունքը:

Վազերի հենակավորումը կարևոր ագրո-ձեռնարկումներից մեկն է: Ամեն տարի գարնանը, դեռ այգեփորի ժամանակ, սկսում և ավարտում ենք այդ աշխատանքը: Մոտավորապես մայիս և հունիս ամիսներին մեկ անգամ ևս ստուգում ենք հենակների վիճակը և անհրաժեշտութեան դեպքում նոր լրացումներ կատարում, միաժամանակ ուղղում վայր ընկած հենակները:

— 40 —

Վերը նշված աշխատանքներից բացի, առնվազն 2 անգամ, կատարում ենք այգիների կանաչ հատումներ՝ հեռացնելով վազերից ավելորդ շիվերը: Ոռոգումները կատարում ենք ելնելով հողի ու բույսի պահանջից:

Մենք, հատկապես վերջին տարիներում, զգալի աշխատանք ենք կատարել հին այգիները երիտասարդացնելու, թմբի բաց տեղերը լրացնելու ու լիարժեք դարձնելու ուղղութեամբ: Հին այգիներում կիրառում ենք անդալիսի, իսկ նորերում՝ արմատակալած վազեր տնկելու եղանակը: Վերացրել ենք հին ու նոր այգիների միջնակները և ազատ տարածութիւնները, հավասարացրել ենք փոսերն ու խորդուբորդութիւնները: Այժմ մեր այգիները գրեթե ամբողջովին լիարժեք են, ամեն մի հեկտարում ունենք 2200—2500 բերքատու վազ:

Մեր կոլտնտեսութիւնը ավելի լավ աշխատեց հատկապես այս տարի: Հարազատ պարտիայի Կենտկոմի առաջիկա պլենումի պատվին ծավալված համաժողովրդական մրցութիւնը է՛լ ավելի ոգեշնչեց մեր աշխատավորներին: Հաշվի առնելով ունեցած մեծ հնարավորութիւնները, մենք բերքահավաքի նախօրյակին վերանայեցինք դեռ գարնանը նախատեսած ցուցանիշները և որոշեցինք՝ 86

— 41 —



հեկտար բերքատու այգիների հեկտարի միջին բերքատվությունը հասցնել 200 ցենտների՝ նախատեսանված 130-ի փոխարեն: Մեր խոսքը գործից շտարբերվեց: Միջինը ամեն մի հեկտարից ստացանք 220 ցենտներ: Այդ մեր կոլտնտեսականների լավ աշխատանքի արդյունքն էր: Մենք այս տարի միայն այգեգործությունից մոտ հինգ միլիոն ուրվի եկամուտ ենք ստանում:

Մեր կոլտնտեսությունը աչքի է ընկնում իր հմուտ այգեգործներով: Ահա դրանցից են՝ բրիգադիր Մանուկ Վարդանյանը, որն այս տարի 13,5 հեկտար այգու հեկտարի միջին բերքատվությունը հասցրեց 248 ցենտների, ՍՍՌՄ Գերագույն Սովետի դեպուտատ Նոյեմ Եղիազարյանը, Լիպարիտ Թևոսյանը, Նշան Սասունյանը, Իսաջան Եղիազարյանը, Վարդան Հակոբյանը և շատ ուրիշներ:

Մենք չենք հանգստանա ձեռք բերած հաջողություններով: Է՛լ ավելի կլարենք մեր ուժերը՝ յոթնամյա պլանը բոլոր գծերով ժամկետից շուտ կատարելու և գերակատարելու համար:

---

#### ՕԳՆՈՒԹՅՈՒՆ ԱԳԻՏԱՏՈՐՆԵՐԻՆ

---

### ԹԵՄԱՆԵՐ ԵՎ ԳՐԱԿԱՆ ՈՒԹՅՈՒՆ ԱԳԻՏԱՏՈՐՆԵՐԻ ՉՐՈՒՅՅՆԵՐԻ ՀԱՄԱՐ

**Պ. ԿՈՄՈՆԻՍՏԱԿԱՆ պարտիան անդադրում  
հոգ է տանում ժողովրդի բարօրության  
համար**

#### ԳՐԱԿԱՆ ՈՒԹՅՈՒՆ

**Վ. Ի. ԼԵՆԻՆ**— Ճառ Կոմունիստական պարտիայի դերի մասին, *Սրկեր*, հատոր 31, էջ 283—289, *Հայպետհրատ*, 1952:

Սովետական Միության Կոմունիստական պարտիայի նիսուն տարին (1903—1953), *Հայպետհրատ*, 1953:

**Ն. Ս. ԽՐՈՒՇՉՈՎ**— Կոմունիստական պարտիան սովետական ժողովրդի ղեկավար և կազմակերպող ուժն է կոմունիզմի հաղթանակի համար մղվող պայքարում, *ՍՄԿԳ XXI համագումարին տված զեկուցումից*, *Հայպետհրատ*, 1959:

Պարտիայի ղեկավարությամբ դեպի կոմունիզմի հաղթանակը, «Պրավդա»-ի առաջնորդողը, տպագրված «Ս. Հ.»-ի 1959 թվականի հունվարի 31-ի համարում:

## 2. Նոր հաջողություններով դիմավորենք ՍՄԿՊ Կենտկոմի առաջիկա պլենումը

ԳՐԱԿԱՆՈՒԹՅՈՒՆ

ՍՄԿՊ Կենտրոնական Կոմիտեում, որոշում ՍՄԿՊ Կենտրոնական Կոմիտեի հերթական պլենում հրավիրելու մասին, տպագրված «Ս. Հ.»-ի 1959 թվականի նոյեմբերի 11-ի համարում:

ՍՄԿՊ Կենտկոմի պլենումին բնդառաջ, «Ս. Հ.»-ի 1959 թվականի նոյեմբերի 14-ի առաջնորդողը:

Նոր գործերով նշանավորենք ՍՄԿՊ Կենտկոմի առաջիկա պլենումը, զրույց տպագրված «Ագիտատորի բոկնոտ»-ի 1959 թվականի 21-րդ համարում:

## 3. Անքերի կատարենք ստանձնած պարտավորությունները

ԳՐԱԿԱՆՈՒԹՅՈՒՆ

Հայաստանի Կոմպարտիայի Կենտկոմի պլենումի ՔԱՆԱԶԵՎԸ 1959 թվականին կոլտնտեսությունների և սովխոզների կողմից ստանձնած պարտավորությունների կատարման ընթացքի մասին, ՀԿՊ Արտաշատի,

— 44 —

Մարտունու և Իջևանի շրջկոմների ղեկուցումների առթիվ, տպագրված «Ս. Հ.»-ի 1959 թվականի հոկտեմբերի 27-ի համարում:

Հաջողությամբ կատարենք յոթնամյակի առաջին տարվա պլանները, նյութեր արտադրական պլանները բարձր ցուցանիշներով կատարելու մասին, տպագրված «Ս. Հ.»-ի 1959 թվականի նոյեմբերի 12-ի համարում:

## 4. Ավելի շատ բամբակ երկրին

ԳՐԱԿԱՆՈՒԹՅՈՒՆ

Կրկնապատկել բերհանավաքի տեմպերը «Ս. Հ.»-ի 1959 թվականի հոկտեմբերի 25-ի առաջնորդողը:

Մ. ԱԴՈՆՅԱՆ — Վնոական տասնօրյակ, հոգված, տպագրված «Ս. Հ.»-ի 1959 թվականի նոյեմբերի 3-ի համարում:

Վնոական թափ հաղորդել բամբակի բերհանավաքին, նյութեր բամբակագործների կողմից ստանձնաճ պարտավորությունները կատարելու մասին, տպագրված «Ս. Հ.»-ի 1959 թվականի հոկտեմբերի 21-ի համարում:

Առաջին տոնանքները, հոգված բամբակը ժամանակին և անկորոտ հավաքելու մասին, տպագրված «Հայաստանի կոլտնտեսական» ամսագրի 1959 թվականի 10-րդ համարում:

— 45 —



## 5. Ապահովենք անասունների կուշտ և տաֆ ձմեռումը

ԳՐԱԿԱՆՈՒԹՅՈՒՆ

Ժամանակին և բազմակողմանիորեն նախապատ-  
րաստվել ձմռանը, «Ս. Հ.»-ի 1959 թվականի հոկտեմ-  
բերի 22-ի առաջնորդողը:

Բարձրացնենք անասնաբուծության մթերավորյու-  
նը, լիովին կատարենք սոցիալիստական պարտավո-  
րությունները, նյութեր առաջավոր անասնապահների  
աշխատանքի մասին:

Անասնաբուծության զարգացման գլխավոր պայմանը,  
հողված տպագրված «Հայաստանի կոլտնտեսական»  
ամսագրի 1959 թվականի 10-րդ համարում:

## 6. Մեր ռեսպուբլիկայի էներգետիկ տնտեսության զարգացումը

ԳՐԱԿԱՆՈՒԹՅՈՒՆ

Ս. ԹՈՎՄԱՍՅԱՆ.— Ճառ Արարբեկյանգէսի բացմանը  
նվիրված միտինգում, տպագրված «Ս. Հ.»-ի 1959  
թվականի նոյեմբերի 6-ի համարում:

Շարժ մտավ Արարբեկյան հիդրոէլեկտրակայանը,  
նյութեր Հրազդանում տեղի ունեցած միտինգի մասին,  
տպագրված «Ս. Հ.»-ի 1959 թվականի նոյեմբերի 6-ի  
համարում:

— 46 —

Անում ու հզորանում է մեր ռեսպուբլիկայի էներգե-  
տիկ բազան, տպագրված «Ս. Հ.»-ի 1959 թվականի  
նոյեմբերի 5-ի համարում:

Արարբեկյանգէսի շինարարների հաղթանակը, նյու-  
թեր Աթարբեկյանգէսի կառուցման վերաբերյալ,  
տպագրված «Ս. Հ.»-ի 1959 թվականի նոյեմբերի 5-ի  
համարում:

## 7. Ժուռնալիստների համամիութենական առաջին համագումարը

ԳՐԱԿԱՆՈՒԹՅՈՒՆ

Սովետական ժուռնալիստների համամիութենական  
առաջին համագումարին, Սովետական Միության Կո-  
մունիստական պարտիայի Կենտրոնական Կոմիտեի  
ողջույնը, տպագրված «Ս. Հ.»-ի 1959 թվականի նո-  
յեմբերի 13-ի համարում:

Ն. Ս. ԽՐՈՒՇՉՈՎ.— Սովետական մամուլը պետք է  
լինի ամենաուժեղ և ամենամարտական մամուլը,  
հյույժ սովետական ժուռնալիստների ընդունելությանը  
Կրեմլում, տպագրված «Ս. Հ.»-ի 1959 թվականի նո-  
յեմբերի 18-ի համարում:

Ժուռնալիստների Համամիութենական առաջին հա-  
մագումարի բացումը, ինֆորմացիա, տպագրված  
«Ս. Հ.»-ի 1959 թվականի նոյեմբերի 13-ի համա-  
րում:

— 47 —



Սովետական ժողովրդականության համամիութենական առաջին համագումարը, ՏԱՍՍ-ի հաղորդագրությունը համագումարի աշխատանքների մասին, տպագրված «Ս. Հ.»-ի 1959 թվականի նոյեմբերի 14-ի, 15-ի համարներում:

Ավելի համարձակորեն բախանցել կյանքի մեջ, «Ս. Հ.»-ի 1959 թվականի նոյեմբերի 12-ի առաջնորդողը:


Սովետական Միության Կոմունիստական պարտիայի Կենտրոնական Կոմիտեին, ողջունի հեռագիրը ընդունված ժողովրդականության առաջին Համամիութենական համագումարի կողմից, տպագրված «Ս. Հ.»-ի 1959 թվականի նոյեմբերի 15-ի համարում:

## 8. Խաղաղ գոյակցությունը կյանքի հրամայական պահանջն է

ԳՐԱԿԱՆՈՒԹՅՈՒՆ

Ն. Ս. ԽՐՈՒՇՉՈՎ— Սովետական Միության Միջազգային դուրյան և արտաքին քաղաքականության մասին, զեկուցում ՍՍՄ Գերագույն Սովետի երրորդ նստիսյում, 1959 թվականի հոկտեմբերի 31-ին, տպագրված «Ս. Հ.»-ի 1959 թվականի նոյեմբերի 1-ի համարում:

— 48 —



Սովետական Սոցիալիստական Ռեսպուբլիկաների Միության Գերագույն Սովետի դիմումը աշխարհի բոլոր երկրների պառլամենտներին, տպագրված «Ս. Հ.»-ի 1959 թվականի նոյեմբերի 1-ի համարում:

Կյանքի հրամայական պահանջը, «Փրավդա»-ի առաջնորդողը, տպագրված «Ս. Հ.»-ի 1959 թվականի նոյեմբերի 3-ի համարում:

Ա. Բ. ԱՐԻՍՏՈՎ— Խաղաղության և ժողովուրդների բարեկամության լենինյան գաղափարների հաղթանակը, Մոսկվայի Սովետի հանդիսավոր նիստում տված զեկուցումից, տպագրված «Ս. Հ.»-ի 1959 թվականի նոյեմբերի 7-ի համարում:

## СОДЕРЖАНИЕ

	Стр.
<b>МАТЕРИАЛЫ ДЛЯ БЕСЕД</b>	
Главная цель Коммунистической партии — неуклонное повышение благосостояния народа	1
О. Месропян. — Конституция СССР	14
<b>ПРОМЫШЛЕННЫЕ ТЕМЫ</b>	
Г. Симонян. — Новаторы	29
<b>СЕЛЬСКОХОЗЯЙСТВЕННЫЕ ТЕМЫ</b>	
А. Григорян. — 220 центнеров винограда с гектара	35
<b>В ПОМОЩЬ АГИТАТОРАМ</b>	
Темы и литература для бесед агитаторов	43

Խմբագիր՝ Վ. ԲԶՆՈՒՆԻ



**ԲԱՑՎԱԾ Է**  
**«ԱԳԻՏԱՏՈՐԻ ԲԼՈԿՆՈՏ»-Ի**  
**1960 ԹՎԱԿԱՆԻ**  
**ԲԱԺԱՆՈՐԴԱԿՐՈՒԹՅՈՒՆԸ**

Լույս է տեսնում ամսական 2 անգամ:

1 ամիսը — 1 ռ. 50 կ.

6 ամիսը — 9 ռ.

12 ամիսը — 18 ռ.

Մեկ համարը 75 կոպեկ

**ՍՈՅՈՒԶՊԵՋԱՏ**

**Отдел пропаганды и агитации**  
**ЦК КП Армении**  
**БЛОКНОТ АГИТАТОРА**

**№ 22**

**1959 г.**

**ՎՖ 08248**

**Պատվեր 763**

**Տիրաժ 8550**

ՀՍՍՌ Կուլտուրայի մինիստրության հրատարակչությունների և պոլիգրաֆ արդյունաբերության գլխավոր վարչության II տպարան, Երևան Կոմունյանցի № 8,  
 Գինը 50 կոպ.